



Erindisbréf nefndar vegna byggingu húsnæðis fyrir slökkvistöð á Borg

1. Stjórnskipuleg staða:

Nefnd vegna byggingu húsnæðis fyrir slökkvistöð á Borg heyrir undir sveitarstjórn. Nefndinni er ætlað að vinna að, í samstarfi við sveitarstjórn, að uppbyggingu húsnæðis fyrir slökkvistöð á Borg. Nefndin starfar þar til húsnæði fyrir slökkvistöð hefur risið og verið afhent Brunavörnum Árnassýslu.

2. Tilgangur og markmið nefndar:

Á vörfundum Brunavarna Árnassýslu bs. þann 28. apríl 2025 var samþykkt að undirbúa rekstur slökkvistöðvar á Borg í Grímsnes- og Grafningshreppi. Í sveitarfélaginu er stærsta frístundahúsabyggð landsins, en hér eru 22% allra frístundahúsa á landinu og það eru því ríkir almannahagsmunir að viðbragðstími hjá viðbragðsaðilum sé með besta móti sem hægt er bæði fyrir íbúa og fasteignaeigendur.

Sveitarfélagið stefnir á að byggja u.þ.b. 200 m² hús til leigu fyrir starfsemi Brunavarna Árnassýslu og stefnt er að því að taka húsnæðið í notkun á árinu 2026. Áætlað er að gerður verði sérstakur samningur um afnot af húsnæðinu með möguleika á kaupum í framtíðinni.

Nefndinni er ætlað að tryggja að hér risi húsnæði fyrir slökkvistöð sem bæði hentar undir starfseminu og sé þrýði fyrir umhverfið.

3. Skipun nefndar vegna byggingu húsnæðis fyrir slökkvistöð á Borg:

Í nefndinni sitja 2 fulltrúar skipaðir af sveitarstjórn. Nefndina skipa:

-*Smári Bergmann Kolbeinsson sem fulltrúi sveitarstjórnar og formaður framkvæmda- og veitunefndar sem verður formaður nefndarinnar.*

-*Björn Kristinn Pálmarsson sem fulltrúi sveitarstjórnar og fulltrúi sveitarstjórnar í skipulagsnefnd.*

Jafnframt er áætlað að Hjálparsveitin Tintron sem hefur hug á að byggja nýtt húsnæði skipi 2 fulltrúa til að sitja í nefndinni.

Nefndinni er ætlað að vinna náið með slökkviliðsstjóra og varaslökkviliðsstjóra Brunavarna Árnassýslu

Starfsmaður nefndarinnar er umsjónarmaður framkvæmda- og veitna.

Skipan fulltrúa var staðfest á fundi sveitarstjórnar þann 7. maí 2025. Aðrir fulltrúar úr sveitarstjórn hafa seturétt á fundum vinnuhópsins. Að auki er gert ráð fyrir aðkeyptri sérfræðivinnu innan nefndarinnar og hefur nefndin heimild til þess að kalla inn á fund til sín hvern þann sem tengist þeim málum sem fjallað er um.

Starfstími nefndarinnar er frá samþykkt þessa erindisbréfs og þar til húsnæði fyrir slökkvistöð hefur risið og verið afhent Brunavörnum Árnassýslu. Ákvörðun um styttri eða lengri starfstíma getur eingöngu komið frá sveitarstjórn.

4. Hlutverk nefndar um skólahúsnæði:

Hlutverk nefndarinnar er:

- Að tryggja uppbyggingu húsnæðis fyrir Slökkvistöð að Þinggerði 1.



- Ákveða hvernig skuli staðið að byggingu húsnæðisins og ásýnd þess.
- Yfirferð teikninga, vinna útboð, samskipti við verktaka.
- Sinna samskiptum við Brunavarnir Árnessýslu á byggingartíma og vinna að samningagerð.
- Að upplýsa sveitarstjórn, að lágmarki á mánaða fresti, um stöðu verkefnis.

5. Starfshættir:

Um starfshætti nefndarinnar fer eftir ákvæðum sveitarstjórnarlaga og samþykkt um stjórn sveitarfélagsins Grímsnes- og Grafningshrepps og öðrum samþykktum og reglum sem við á. Fulltrúa er skylt að sækja fundi nema lögmæt forföll hamli og skal tilkynna um forföll til formanns nefndar.

Nefndin kemur saman fyrir luktum dyrum eftir því sem þurfa þykir og hæfir verkefnum nefndarinnar. Heimilt er að taka þátt í fundi með rafrænum hætti.

Umsjónarmaður framkvæmda og veitna boðar fundi, sendir fundargögn, ritar fundargerðir og heldur utan um önnur gögn varðandi nefndina.

Nefndin skal halda utan um fundargerðir á rafrænan hátt og skal í fundargerðum koma fram hvar og hvenær fundur er haldinn, hverjir sitja hann og hvenær honum lýkur. Skrá skal einstök mál sem tekin eru fyrir á fundinum, meginefni og afgreiðslu nefndarinnar. Fundargerðir skulu sendar á sveitarstjórn til upplýsinga og staðfestingar.

Fundarboðun skal vera skrifleg og skal tilgreina fundarstað, tíma og dagskrá. Fundarboð skal sent fulltrúum sem seturétt hafa á fundum eða eru boðaðir, eigi síðar en einum sólarhring fyrir fund.

Á skipunartíma nefndarinnar er heimilt að halda allt að 30 fundi. Leita þarf heimilda sveitarstjórnar ef halda þarf fleiri fundi en tilgreindir eru vegna verkefnisins.

Um sérstakt hæfi fulltrúa nefndarinnar og áheyrnarfulltrúa gilda ákvæði sveitarstjórnarlaga. Fulltrúi skal víkja af fundi við umræður og afgreiðslu mála sem varða hann sjálfan, skyldmenni hans eða nánustu venslamenn svo sérstaklega að almennt má ætla að viljaafstaða hans mótist að einhverju leyti þar af. Honum er þó heimilt að gera stuttlega grein fyrir afstöðu sinni áður en hann víkur af fundi.

6. Eftirfylgni

Formaður og fulltrúar nefndarinnar skulu snúa sér til sveitarstjóra með eftirfylgni ákvarðana.

Erindisbréf þetta var samþykkt af sveitarstjórn Grímsnes- og Grafningshrepps 7. maí 2025 og tekur þegar gildi.

Fjóla Steindóra Kristinsdóttir, sveitarstjóri